

Get/ ihre Zeit/ Kühlet die erhitzigre Mutter.

Vnd mit Honig vermischer/ heilet das Mundwebe/
auch der Safft in die Augen gethan/ reiniget sie von
Flecken.

Gelb Violen Wasser.

Am Ende des Meyens distillier die Tolden/ vnd
Gipffel/ so sie zeitig seind / Das ist gut denen/ die sich
mit Venus übereilet haben/ Kräftiger die Leber/ Nies-
ren/ macht Frauen fruchtbar/ reiniget sie nach der Ges-
burt/ Stärcket sie/ vnd erwärmet das Kalt Hirn/ das
March in den Beinen/ treibt alle Kalte Sucht auß/ wels-
chem die Zung von dem Schlag lahm ist/ der trincke
es/ vnd schmiere die Seiten wol damit.

Blawe Merken Violen.



VERKEN
Violen
seind
Kalter
vnd feuchter
natur/ im ersten
Grad Kalt/ in
dem andern
feucht.

Ihr Eygens-
schafft ist die
innerliche Glied-
der des Linge-
weydes zu kühl-
len vnd zu bes-
feuchrigen/ den
Schmerzen zu
benehmen/ Sie
stillen auch den
schmerzen des
K. Hauptes

Von allerhand Arzney/

Hauptwehes von scharpffer Gallen/ oder Cholerischer
Feuchte entstanden/ fürdert den Schlaf.

Welche feuchte Häupter haben/ sollen sich dieses ge-
ruchs enteuffern.

Violen in Wasser gesotten/ den jungen Kindern zu
Trincken geben/ wehret der Fallendensucht/ deß gleichen
heilet es das Halswehe. Violen zu Muß zerstoßen/
übergelegt/ benimpt das Hauptwehe/ leget nider die
Geschwulst deß Afftern/ vnd der Geburt Glieder/ wie
auch die Entzündung der hitzigen Augen. Der Samen
ist gut wider den Scorpion stich.

Violen Honig ist gut wider den dürren Husten.

Violen Wasser.

Violöl an die Schläff vnd Stirnen gestrichen/ vnd
in die Nasß gethan/ stillt das wütende Hauptwehe.

Das Wasser löschet auß alle Hitz in den scharpffen
Pestilenzischen Febern/ Tüchlein darinn generet/ vnd
vmb die Schläff gelegt/ auch in die Nasen vnd Augen
getropffet/ kühlet das Hirn vnd bringet den Krancken
zu ruhe.

Den Mund damit gegurgelt/ heilet die Hitzblättern
ein. Den Kindern eingeben/ weicher den Bauch/ vnd
reibet auß die Wärm. Kühlet mit Tüchlein über die
heimliche Glieder gelegt/ an Frawen vnd Mannen.

Blutwurz/ Blutkraut.

Est feuchter Natur/ vnd hat ein kühle/ seind doch
zweyerley/ groß vnd klein/ die größe ist die beste/
doch stellen sie beyde heffriger dann kein Kraut
das Blut. Darumb tragens etliche Frawen für
den übrigen Fluß. Aber Blutwurz gessen/ verzehret
göttliche Feuchting/ Freißsam/ Süß gebresten.

In Wein gesotten vnd getruncken/ nimpts vierer
tägige Feber/ zwö Grund vorhin getruncken/ für das
Gicht